

息庵集

靜賦
五古
七古
建

三
年
五
月
廿
五
日

息庵集序

國朝也世文章最推谿
谷澤堂為仁家余嘗妄
論二氏之文以謂谿谷
也於天來澤堂深於人

工以之於古蓋髣髴韓
柳焉二氏以後任者多
矣然其能追踵而執字
然名世者亦少最後乃
如得息菴金公焉公之

文雖天成不若谿谷而
人工所造殆可與澤盛
相埒乃其瑰奇沈濤之
紋鼓轉陶洗之妙則又
獨擅其殊云蓋嘗謂我

東之文其不及中國者
有三膚率而不能切深
也俚俗而不能雅麗也
冗靡而不能簡整也
故其情理未晰風神未

暢而典則無可觀者
是者豈盡其才之罪
名其所以蓄積者薄
所目執者止而功力
不深至耳公既寸素
高於學又甚博

而尤好深湛之思鑲畫
之旨自少收詞賦已祛
一掃近世陳腐熟爛之
習而自創新格每談輒
驚其主司而一省操觚

之士競相慕效以求肖
以及其為古文辭上溯
秦漢下迄唐宋以放於
皇明諸大家參互掇議
究極其變用成一家之大

抵本之以意匠而幹之
以筋骨締之以材植而
傳之以華藻卒引之于
規矩繩墨森水也章劉
尤精數工篤其指事陳

情論利害辨得失能曲
寫人所不能言往來刺
骨潤髓而要不少古人
氣格詩律亦沈健而麗
絕不作浮聲慢調蓋其

為稿者凡二十五卷而
淺求其一篇近於膚率
俚俗而冗靡者無多焉
嗚呼公之于文卒其人
工至矣雖謂之奪天巧

可也而於以接武谿澤
也其可以無愧矣然公
蚤被枋用身總軍國之
重鈎輅之業太半為籌
畫韜鈴所奪卒又限以

中身不得大肆志於結
誤而其所來就猶足以
跨越一世焜耀後來此
豈不充難也哉如公既
沒嗣子者事道嗣用鐵

字印公全稿若干本既
行於世矣今靈光倖洪
侯補即公侯芭謂公文
宜百世不朽而集無板
刻難保於傳遠甫上友

即鳩切鍛梓而來問序
於余朱竊念司公汲未
幾已已之禍作都事君
以憂死夫入竄海島室
家蕩析為世所悲今雖

世道更化幽枉畢伸而
公家乃無一遺胤以尸
其後事洪侯獨以舊門
生能愔、致力於遺籍
以為永久圖其義良之

或人是不可無一語以
相其役且自以平生素
慕公文又嘗辱片言之
獎而顧不得一奉藝苑
緒論以為沒世恨今而

名峯端以效其區、
一私實與有幸輒敢不
辭而為之存如此若公
事業勲伐之盛國史
自有紀綱不具論云

崇祿紀元後七十年丁
丑孟春上旬安東後人
金昌協濟書

息庵先生遺稿卷之一目錄

辭賦 七首

諷隱

羅池廟迎送神辭

雪賦

八陣圖賦

昆明池賦

次李習之幽懷賦

鼠機賦

卷之五 通雅 一 目錄

[The page contains faint, illegible horizontal lines suggesting ghosting or extremely faded text.]

息庵先生遺稿卷之一

辭

諷隱 乙未

台弱晦而專貞兮，與超郵而彌潔。抗志担橋兮，恒與俗而違絕。曰有取乎一人兮，夙輔以仁期。並道而愉佚兮，黜欲而屏紛。何外襲之眩耀兮，迭誘以紆紆。將假龜而筮之兮，以決所從。諭誨理義兮，至道以通。筮既不必信兮，言又諉以無庸。恐夜之卒乖乎大誼兮，請以辭諷。辭曰：君乎君乎，胡爲舍其內志而從外戕？今胡爲樂於危凶而棄其吉祥？今君乎歸來天門九

關不可以止兮虎豹斷斷露戟齒兮電目閃爍耽其
視兮鈎爪挐攫唯人是伺兮歸來歸來不可以止兮
君乎歸來金門玉署不可以嬉兮中有蟠嶺峗峗其
亘千里兮上與天屬下無地兮一生萬死危不能髮
兮往必覆仆兮其骨兮重以封豕雄狐豺獾兮彼皆
索人以充其臟吞噬倏忽兮歸來歸來魂精失兮君
乎歸來紅塵紫陌不可以留兮其害則有決滌之海
湯湯其流兮波濤滂泚漂山若漚兮毒龍孕乎其中
蛟鰐又以驅兮驅兮露骨爲島吐沫爲洲兮鼓盪萬里吞
屋舟兮蜮蝮巧伺終不可度兮歸來歸來不歸欲何

求兮青紫纍纍騁繡軒兮前驅後迺從者如雲兮朱
門熱市競走趨兮吮癰舐痔自忻愉兮鄙夫爲榮達
者覬兮君平歸來世蹈尤兮華構崔嵬軼雲霓兮連
館迤麗杳不可倪兮突室清榭冬夏殊方兮移易造
化一陰一陽兮明月錯落翡幬張兮綺組猗那從風
翔兮璫瑁飾筵璆琳琅兮曼姬鄭女纔二八兮滂心
綽態何妙絕兮冰肌瑩澈掩白雪兮凝睇流眄目傳
意兮乍來親膚柔若脂兮慢舞生嬌掉纖腰兮緩歌
赴節戛雲霄兮流風厭揚發激楚兮鳴璫楔瑟鏗大
呂兮六律互敝喧白日兮瓊釜金玉鼎羅堂壇兮海輸

陸渌毛錯殫兮芬芳酷烈菀椒蘭兮辛鹹適勻尹牙
味兮乳酪撞捫儀杜治兮通肚觸鼻馨勃鬱兮窮滋
極豐妙莫說兮凡茲數者仕而得兮居華食侈恣聲
色兮爲樂無央人所欲兮肆志忘殆皆鵠毒兮暗昧
昏蠱尠不辱兮南威子都斲人脉兮甘脆肥醲腸腐
爍兮濮上鄭衛訛衆賢兮高軒敞室鬼胥瞰兮自昔
而然昭厥鑒兮綠珠誨禍孫磔石兮柁飴沃釜愷蒙
僂兮珠鳳雕戶保罹酷兮趙瑟秦聲憚終覆兮歸來
歸來彼人盡兮君乎歸來宜遯藏兮岑巒截嶠竦青
蒼兮巖秀壑冥互媚明兮桂樹婀娜而叢生兮萬歲

有松千歲苓兮幽蘭叢蕙揚郁芳兮鸞鳳交棲與翔
翔兮猿鶴嘯舞鵷翠蹌兮君乎歸來賢所鄉兮薜蘿
爲籬雲霞爲關兮茅茨不剪薄櫨不升兮伸膝鋪牀
覺易安兮葆真守冲神不刈兮君乎歸來可盤桓兮
山而美蔬水且漁兮網深擷高任自如兮烹葵色藿
備珍饗兮鯉鰕登羞陋脯龍兮松桂充釀糝芳烈兮
鳴缶仰天酌明月兮君乎歸來樂無缺兮瓊柯琪樹
紛摻攢兮勻容稱色服雲鬟兮林泉激籟五音繁兮
陰陽清濁穆羽和兮韶韻叶諧汰淫哇兮萬竅娛聰
敵笙簧兮君乎歸來樂無方兮左圖右書列典墳兮

挹羲追軒體道元兮究顯幽眇象帝先兮思叶神融
齊聖賢兮君乎歸來道所存兮說迥夢賚輔商王兮
伊摯抱道要聖湯兮姬文獵輔奮鷹揚兮武侯鼎峙
炎再昌兮然其未遇咸慎藏兮躬耕于莘或挿築兮
清渭漪滹釣而直兮隆中嶷嶷龍所蟄兮曷銜而鬻
徒齷齪兮君乎歸來躡彼躅兮

羅池廟迎送神辭

採蘋兮水中盍將薦兮侯之宮揚侯齡兮樹兩於齊
撓樂兮簫鼓鳴玉珮兮嗟嗟侯不來兮使我心嗟侯
偃蹇兮旣來續舞我兮傚傚桂水湛湛兮芳草萋萋

東與潮通兮湘流在西左三閭兮右昌黎侯朝與嬉
兮暮與攜樂莫樂兮南土侯之澤兮其普侯皇皇兮
儼欲旋怙恇惚兮我涕漣綏我兮禧我庶盼嚮兮毋
我捨女安紅兮男安稼蔚禾黍兮滿原野報侯功兮
氓胥虔期世世兮永無愆

賦

雪賦

壬辰

楚襄王旣遊於蘭臺使宋玉賦雌雄之風將置酒于
章華之宮緒風飄拂繁雲霏霏天慘慘兮日淒淒霰
雰雰兮雪霏霏上乃厭晨謹倦夕醺去雲闥來雪殿

發素麻之詠動黃竹之謳俯而眺兮雲澤之瓊墟仰
而睎兮風岑之瑤丘顧而語宋大夫曰夫雪豈亦有
寡人之雪庶人之雪乎玉對曰然夫雪亦有焉夫有
天地而有陰陽有春有秋而有露有霜至於方冬而
爲斯雪也白帝告蹶玄冥警節冰火洲而凍炎壑涸
東沼而凝南陸飛廉叱其風飄颻於沙漠屏翳飲其
雲霓霽於海濱於是乎畔散交錯胸渙委積漉漉浮
浮漠漠濟濟其始也倏兮若姣姬乍舞紈衫縞袂颯
沓而容與其終也偈兮若駕素虬驂白螭躡略而摻
摘或雪驚而焱駭或濤譟而波詭瞻樹木則爲琳花

琪萼眇原隰則爲璠阡璵陌玉膚冰肌掩其光皎鵬
皓鶴攘其色於是乎徘徊於桂椒之間翱翔於棟楹
之際乘凌高城拉階崇陛然後躡金砌躋玉墀拂綺
幌撼繡帷廼得爲大王之雪於是乎大王視紫霞之
被襲翠雲之裘激灩瓊壘之醴陂陀瑤厨之羞銀燭
炳其前金爐熾其後吳歌越歛嫋嬈於其左趙姝燕
姬焯灼於其右其雪菴藹氤氲聯翩繽紛淒其似秋
煖其如春王曰樂哉言乎夫庶人之雪豈可聞乎王
對曰夫庶人之雪則漉漉於園圃之上飄飄於庭庑
之下蹭蹬丘隴躑躅原野埋菑屋壓蓬廬拞柴捫捩

桑樞其雪凜凜冽冽慘慘怛怛其積也如壁如璐不可爲食其布也如縑如繒不可爲衣於是乎庶人糝糠不能餬藜藿不能啜履不能穿踵袍不能掩骼而爲白雪之歌歌曰白雪之霏霏兮衆人皆飽今我獨饑白雪之漫漫兮衆人皆煖今我獨寒夫雪未嘗異也庶人以憂大王以樂使樂者憂人之憂則憂者亦樂人之樂矣使憂者不能與其樂則樂者亦不可以終有其樂也王曰至哉言乎非子寡人安得而聞之

八陣圖賦

甲午春余病寒數日偶借諸葛武侯全書於

李擢之許其書末編載唐宋以後至明朝諸
文士所詠八陣圖詩若文若賦幾數十篇詩
無論文唯新都用修太史之記爲佳賦則自
楊廉夫以下皆瑣瑣無可當人意者余遂擁
衾搦筆爲此賦非欲與古人爭衡並鑣盖用
寓生平景慕侯區區之私云爾

邈哉邈乎夔子之國南搯金隣戈塞北接石門劍閣
瀄以靈漢嶠以神壁層湍沓瀨之險回厓複峽之阻
其中則有魚腹之浦盖昔武侯八陣之磧在焉當其
赤炎告燼白水旣傾颯回九縣霧塞三精際風雲之

競盪蔚虬虎之相驚于時武侯龍臥隆中道闡圯上
齊志管毅倖跡摯尚邇三顧以欵起翼靈胄而高驤
瞰天府而攬雄廓玉壘而開疆伊欲憑大順以正夏
腦魏猾於東鄴恢宏略以綏裔蹴吳孽於炎場于以
歷八象閱九法演飛丘井以終始黃帝太公之制維
其高擁以槍纍則祇護乎儲胥盛陳以人衆則久煩
乎徒旅於是乎乃鑿礪砢之石替萃從之士三靈效
機六神敦工夏斧施巧秦鞭奏功抨堪輿使屬壘命
太乙而當兵齊總總搏搏其相轆轤今鱗羅翰萃粲
以縱橫爾其玄靈御衡黃祇司轂飛廉噫以振響屏

翳欲其騰色蒼龍蛇蟠於東隅白虎躩踞於西陸朱
鳥舒翼而南翥蜃蛇蚶蜆而北宅遠而望之繽紛儵
昱乍明乍沒象陽機陰軸之旋斡迫而察之龍從頽
沓若嵬若業似天閭地垠之開闔至乃撓之無跡運
之無方進退莫測出沒靡常剛與柔其相錯奇與正
其互列伏至動於至靜寓能虛於能實藏之則入重
淵而匪沉躍之則登九霄而匪崇嚙呵而日月晦耀
歛歛而風雲盪泊嗟瓌瑋而奧眇紛或或其難覈荒
不可乎備歷然則瀘南七擒鏹耳膽懾渭北六出狼
首梟讐荆湖雖濬湯之則洩冀岑雖萃躡之則蹶斯

固入陣之效也是將運神筭握靈契馳仁聲整義旅
一伐而曹狐獻馘再征而孫鯨授首白帝之耻足灑
炎后之業若舊奈何天旗隕芒星蓋韜映蜀壘胥惆
魏幘告慶歎勲業之永隳慨廢興之何論惟入陣之
遺蹟歷萬古而長存余嘗泝洄巴峽睇眄夔丘弔古
南宮訪磧西洲遙沙莽其縈石極浦漁而微漾寒雲
漫以奇色朔颿振而哀響江流石不轉仿佛杜陵之
詩壘平水已落依稀夢得之詞自漢迄今不知其幾
百千載尚纍纍其如新而况驚濤駭浪洶湧而砰磕
今此不爲之沉湮危嶂急峽震汨而崩淪今此不爲

之推遷想神物之呵護固天地之扶脅嗚呼惟侯之
智莫晰乎三策惟侯之忠莫昭乎二表木牛騁神鐵
箸擅妙伊陣圖之奇制亦韜機之秘略斯石不泐惟
名興之不泐斯名不滅惟石與之不滅桓氏常山之
喻曾未擬其髣髴衛公正兵之論庶或窺其萬一苟
靈奧其若斯孰亦有云而能詰遂爲銘曰峨峨夔岑
隆隱天兮滔滔魚浦渺澗涓兮石壘中開唯八陣兮
太一風后窮神變兮準圓則方幹玄機兮呵噉雲雷
鼓靈威兮軒皇肇緯杳旭卉兮惟侯式闡紹厥對兮
湧濤汨浪用傾側兮崑崙緯繡歷下極兮靈薌咲盼

彌歟稱今如其昧者曷不斯徵今

昆明池賦

甲午爲鼎六趙公代月課作

百粵未闢八荒窄炎海將盪鯨池鑿瀦匯數十百里
上屬天潢象其河名之以國是曰昆明一以勤遠而
極武用肄戎功爾其濯若江漢浩如瀛蓬東連太液
北接唐中鎮以靖冥之館臨以豫章之宇崑崙然翼
翼然俯水而宮者渺不知其幾千百所驚波射沫
暝而雨長風激濤未陰而雷日出東隅月朔西陂二
儀瀕洞杳無端涯池之未成黎海湯湯池之旣成沫
水瀼瀼誰謂滇遠莫如其邇誰謂滇險莫如其易區

之閔也地之邈也而體勢不異時若長雲矗矗列鯨
鯨也紫電倏倏戈鋌明也豐隆鑿海鼓吹鎬也祝融
烘霄羽毛揚也續續欻霍而莫測其所縱橫也亦或
君王出遊張水嬉兮龍輅鏡流翳雲芝兮微波澹淡
揚黼惟兮丹隄霞蔚豔綺羅兮玄渚鱗聳崑雲和兮
又有蓄丘之勇慶忌之捷快飛文身之徒足拖蛟犀
手搏鯨鯢相與聊浪乎其內吞若溟河者八九於胸
中曾不蒂芥嗟乎內作池室外肆征伐有一於此者
未或不滅瑤池周宴竟迷八駿之轍玉關秦蜀終虛
萬世之計奈何漢武鑒而不戒佚遊旣窮雄圖且攄

朱厓未鏤黑沼已滯以使清渭雖深視溝渠矣紫淵
雖廣視巽杯矣巨石化鯨太華碎矣周隄若阜九變
隕矣檣竿簇簇隴蜀之梗枿兀矣鏐鏐煌煌秦晉之
金錫竭矣旃旆祁祁吳楚之綾縑絕矣以上林一也
之水傾四海蒼生之膏血以蠻越數百里之地塗中
原赤子之肝腦兆民怨沸九土波擾及乎秋風一夕
汾水歌殘烟沉茂陵露冷金盤但見苑臺獨存景物
依迷波寒舊沼草沒古隄盖將弔其遺跡旣已灰滅
而無餘嗚呼斯池一也而可戒者二二以戒池臺之
玩一以戒征伐之事夫何後世之君能戒者少而

[illegible]

[illegible]

有遺顧憑辭而自宣今豈余言之非宜

鼠機賦

庚子

金子方夜讀書倚篋而睡忽聞有聲受宰乍攪乍已
靜而聽之聲在篋裏乃呼童子執燭而視中有一鼠
穴而抱子若棗若栗若榛若榧十百其顆輦來而置
拱焉張爪齧焉銛齒先人而睨馳若奔驥乃命童子
施機設餌寘諸篋側息明而俟始聞啞啞若有鬬戲
俄然大響木石震墜一機所發駢取其二童子色喜
請再以試金子曰嘻汝汔可止世之趨宦蓋亦猶是
一資半級得生失死汚渠之腐若獲玆美蹈辟舞絙

息庵先生遺稿卷之一
滅身不耻實如彼鼠食于機器且飮且目側行委尾
卒觸其牙亦竟糜耳餌鼠者果餌人者位縱殊其形
乃符厥智人猶如此物何責爾童子聞言蹙然自沮
投鼠屏機休于故處時夜將半攪者旣除余遂就臥
甘寢達曙

息庵先生遺稿卷之一

息庵先生遺稿卷之二目錄

五言古詩

四十四首

送韓同年肯世之南原觀外氏

守申于沈伯衡家諸友皆會詩以記之

暮春遊道峰歸以詩寄趙勉卿揚卿

贈同宗金子文兄弟

挽李監司

萬雄六首

挽沈伯衡內子趙氏

復與金學士永叔同校東堂錄奉求和

挽趙承旨

胤錫

贈別尹御史玄通試才耽羅之行

三首

挽趙友勉卿室內

瑞興道中見掃雪者

離松都

挽朴評事季肯室內

送朴評事季肯

挽崔生

送張海而赴南平

代挽夏興君夫人

行到這城山僧妙慧求詩口占長句以與之

釜湖解嘲

七述篇送申學士寅伯撈慰萊州

挽李士休

明善公主挽詞

送孟休徵令公按節湖西

水雲亭

十二首

送辨誣使赴燕

李進士師命內子

送清風李使君子三

七言古詩

十二首

孤鴈篇哭可億從弟

夜讀武侯

出師兩表有感

挽洪榮川大夫人

挽趙教官聚叔大夫人

蘄王府

送花開老卒歌

仙槎行

擬佛印送別卓道人兼寄東坡長句

復戲爲東坡寄謝佛印禪師詩仍用前韻

前詩不及謝道人之意更成一首

書佛印禪

東坡寄

書後

宋子客舍遇高漸離

送長安王質齊

挽鄭東溟斗卿

明惠公主挽詞

息庵先生遺稿卷之二

五言古詩

送韓同年肯世之南原觀外氏

名構

作賦比雕蟲壯夫所不爲雄也逼屈騷悔之言若茲
況不及雄者小技真可嗤邦家取進士較藝以詩
詞場誇觜距磨礪各見奇唯先利其器努力宜孜孜
然當決科止豈必淫文詞結筌在求魚得魚筌可遺
吾觀古文士迭興何其師大者抱明月錯落和與隋
小猶隨所獲採撫雜珉琦人人自有得志氣浩淋漓
俄然若蟻蠓浪沒更誰知不朽良不易千百僅一垂

春風百花麗草木競所姿榮華一消歇那復識芳華
所以君子身兢兢務自持人生穹壤間最貴在倫彝
苟使道已高不妨身逾卑卓立能砥行尤宜遜厥辭
直內敬爲要主一慎莫差可變躁爲靜可昭闇爲曦
清風掃陰翳高空露碧瑤秋潭瀉污潦澄澄涵淥漪
粲然天理明蓋在克己私嫩哉紫陽箴多矣聖門規
豈譬徒事末勞勞鏤肝胆韓生才突兀弱歲超倫夷
咀嚼班馬腴餘馘味衡思一戰歛登庠鏘如脫穎錐
仲冬涉遠途將赴天南陲謂言覲外氏况奉慈闈隨
科第耀門閭抱孫祖所嬉方當舉壽觥茲行寧少遲

層冰塞洪河朔雪埋三逵岑巒多巘嶸空林咆虎熊
行行且慎旃惕惕毋蹈危古者遠行役朋友必有貽
不須金壁餉箴砭貴相鑒文采子所有勗子以德基
斯言莫棄鄭珮之當礪礪

丁酉冬十一月二十二日夜守申于沈伯衡

機

家由寅伯

最

趙揚卿

顯期

皆會大雪初霽月色

如晝在座皆能詩或作近體或作長句獨余以
不曉韻語辭主人強之甚乃成五古一首

有肴旨可餐有酒清可呷聊成良夜會偶與嘉賓合
園林雪初霽琪壁粲相壓明月如寒鏡盈盈露玉匣

皓色看可愛清光正宜納心腑覺瑩澈浩浩凌埃壒
起視河漢傾促觴仍款洽肅穆且相將喧呼慎莫狎
劉毅一小豎放浪不足法不知誰家子羅裙醉深閣
六博間樗蒲瑤爭戛銀甲應笑吾輩人寂寞秉明蠟
暮春念旦迺道峰歸來詩以記却寄趙勉卿

遠

期揚卿兩詞伯兼示院中諸益

閉門終南下不知春將盡臥聞鳥聲喧關在簷楯
也襟檻閑花復如笑似向幽人哂悠然起遐想遊興忽

已朕緬憶道院勝碧岫何森嶙况方講業徒數子情
宿允芳菲正可探時服初成紵

韻書也與紵兄之臂之紵不同論語作

終鄉黨篇曰青門見柳色風光任候診逍遙樂自曠

脫略忻不窘曹溪六堊眼欲捨還未忍寺知雲嶂隔

路許樵人認始穿纔容線終窮遂通軫流泉弄鳴環

琤然韻虛牝虛牝穀也古詩曰哀壑叫虛古木時

走颺懸崖或棲隼巖回出畫閣駕虛猶懸箕與箕同考工記

曰梓人為箕鄭玄得非噓氣成結構勞彩蜃春山

瀑流壯屈注天河隕追琢費人工刻畫應不泯達首

以爲賓猶然發其矧逍遙遊曰未榮子猶然却與仙

洞別首回如有引崎嶇歷脩麓逶迤得平畛野草細

復濃羅生雜蔬菌青林間紅萼綺繡一何踳危峰逗

天墟孤髻撐雲鬢入祠勤肅謁偃僂非敢僂居人殊

不忘相視一笑報

丑恩反左思吳都賦曰東吳王孫報然而笑作戰非

攜手澗

之曲濯纓清湔湔

疊波貌韻不載出韻會

飛湍灑白石激激晴

猶實

韻考雨也韻會雷也

山花更的歷乍披叢還照

合也出韻會

蘸

溪疑洗錦綠巖似著純

音准禮記曰不純素

鳴禽替笙竽不用

煩嶰箇我酒既可斟君詩何太敏酩酊倒樽罍奧麗

抽肝腎洪鐘轉訇越噤吟縮春蚓吾觀天地內太和

浩無準生生自春意藹藹及蜩蠡人生貴舒快何必

長拘緊偶遂塵外情滌蕩失愁悶泠然心境空髣髴

邀聃尹聊以寫吾趣新詩愧不續

韻考作續

贈同宗金子文子昂兄弟

啓明斗明

吾祖大成公逮我爲六世孫子固衆多支別各有系
譬彼千歲木盤礴盛根柢柯葉自布濩餘蔭連畝畷
聞有公裔孫久落湖海溼揚侯惜遠遡太史悲留滯
今年叩我扉冠帔兄與弟灼灼南國花春風映雙棣
閱牒叙尊卑論齒得行第自言處下邑無所質學藝
縱然事勤苦誰復豁蒙蔽唉哉巷賈論不與國賈儼
陸市羅小璣錯落繁星曄齊紫與魯縞自矜窮纖毳
誰知海市富霞錦疊麟屬明月或傾都精光射朝帶
所以捨鄉里驅馬來京邸京師信壯麗規矐聖所制

峨峨宮室美鬱鬱山河勢飛騰盡才俊卓犖多英睿
茲遊誠大觀豁然心目霽庶勉以自壯學問期无替
余聞久嘆嗟子誠得所計退之稱歐生秀出於南裔
二蘇自巴蜀一朝來聯袂高才豈匏瓜不食焉能繫
今子從遠方有爲足可繼文章自有道讀作勤不廢
六經如日月吾說不待贅漆園道德餘左丘春秋係
悲慨蠶室史奧衍潮州製漢賦叙校獵楚騷咏蘭蕙
樂府魏晉間大雅開天際詞家衆體備巨載須深嘑
徒文或類俳於道乃爲細未若先理義不期麗而麗
秋風動城闕涼葉墜軒砌淒淒冷蛩吟杳杳歸鴻唳

燈火正可親文史恣探詣立揚須及時慎莫拋年歲
歸爲父母榮毋忘祖先惠感子有_一圖立志何卓銳
新詩實賀子且爲吾頑礪

李監司

萬雄挽

代家大人作

少小與君友相逢卽相厚常存長者心不愧賢人後
我愛君任真君憐我衰朽自謂兩相敦惠好以永久

其二

美君玉堂彦受國方面寄南海舊珮符西關新攬轡
威加祭彤塞馴及中牟雉世方急君材青雲路正邇

其三

脩短理茫茫此事吾久訝仁厚君有餘壽祿天不借
玉節纔還陞青虬遽催駕哀哀北堂前塵鎖萊衣架

其四

邂逅鹽州日佳期信非宿海濱共聯觴雨夜同剪燭
依依惜別離欸欸論心曲追思會合地老淚空盈矚

其五

一曲溪潭清千年松樹老小亭俯漣漪綠水名更好
知君厭世紛常思返身早此志竟謬悠令人怨蒼昊

其六

故舊日零落踽踽誰與儔悲君又大還送君歸山丘

曉月南城路，清秋漢水流。惻惻蒿里歌，淚下不能收。

挽沈伯衡內子趙氏

吾友沈伯衡，高才吾所畏。皎皎美資質，溫溫好風味。
文辭卽其餘，著作頗瑰瑋。且工古詞賦，高處逼漢魏。
三疊邪疎宕，黃樓轍每誦。詰菑篇達理，信明哲才者。
亦何罪，輒爲天所忌。秀而竟不實，之子遽淪棄。
鮮飗妬嫩萼，嚴霜凋弱蕙。可憐梁伯鸞，高風已屬世。
獨有孟德耀，三年淚成血。閨閣明鏡昏，惻惻瑤絃絕。
平生繡鴛鴦，綺組一何絀。嫁衣塵滿篋，無復爲君設。
但願死相從，不願生相離。一朝便長辭，香魂不復追。

十四爲君配廿一與君訣廿三隨君去更與君同穴
所悲旣無幾不悲何其長死者正栩栩祇令生者傷
吾嘗評夫子且復及賢耦逸才王文考至性居烈婦
誓定夫子文片語堪不朽次列婦人行彤管詠芳徽
猗歟兩美對千載爲光輝迢迢整靈駕寒峽秋天暮
雪涕寫哀挽悲風莽回互

復與金學士永叔同校東堂用高叔嗣試院韻
錄奉求和

拜命校東堂與子辭王宮鑒識豈云明揀選惟在公
良驥待伯樂美材須梓工尚恐珠璧珎或穢泥沙中

[illegible]

[illegible]

[illegible]

[illegible]

從來驪與黃那足供冥搜寄言市駿者鼎哉慎所收

挽李恭人

友人趙勉卿內子白軒相公之女也
在玉堂直廬走筆

有美相國女夙歲著芳儀况復郎君賢榮華耀門楣
去得姑嫜喜來得爺孃慈旡旡盛珪璋人稱多福禧
郎君事遠宦西關復北陲王程有期限那得念閨幃
非爲兒女戀豈向夫婿疑偶然榮衛忒却見二豎欺
明鏡日生塵羅帶日減圍昨夜嬉子飛心知郎得歸
所慰暫相見所悲長別離芳蘭一摧折餘馥空蕤蕤
寶瑟斷瑤絃翠壁生蛛絲泠泠雨鈴苦唧唧綠車悲
可憐奉倩心幾綴安仁詩矧茲高堂親雙雙鶴髮垂

一辭不暫留行路爲齋咨我來歌薤曲且替彤管辭
一歌一惆悵悲風動涼帷

瑞興道中見掃雪者

昨夜北風寒詰朝微霰皓俄頃積至寸及晚勢彌浩
顧視大道上稚女與老媪跣跣踏冰雪兩兩事除掃
酸辛凍至骨涕泣還扶抱謂言北使至州官急治道
處處擁篲畚徵調無少老晨起裙不絮夜寢席無藁
如彼行此役那能用恤保老我死則可却恐兒女夭
歷歷喉中語淚滴道傍草我行誠倉卒驅馳極顛倒
半旬涉千里擾擾失昏早然猶煖體膚羔袖兼豹襖

控御獲駿逸饌羞羅珍好以此言苦艱寧不愧蒼昊
所恨莫救汝默默心如擣

離松都

清晨發東陽驅馬渡猪灘向晚入故都落暉滿空山
漠漠宮殿墟離離衰草間追惟少日遊撫事心正酸
賴有舊相識慰我行役艱破涕忽爲笑悲歡信無端
豈不念宿昔從子以求安王程自有期不敢中盤桓
依依謝諸人獨夜投臨湍

挽朴評事季肯

世堂

室內

走筆

悼亡世多有可念潘南生纔失百年約將爲千里行

稚兒留在室床簟日淒清益歌當此夕愴惻若為情

送北道兵馬評事朴君季肯由修撰拜是職

東海在天地大澤一礪空音壘孔莊子秋水篇云四

有國於海人所宅何其佃音孔小也屈也又曲才貌

縱令窮絕界屋屋蜩鳩控音遙遊云蜩與鸞鳩搶榆

也乃有仕宦者內外州邑衆于茲分遐邇自然為忻

恫刺刺婢子語愴愴都門送笑彼童觀輩小知殊惜

惜人生活物耳安得長無動一朝出門去大道固無

壅薊轅接交南粵航通秦雍寧若醢中蚋滅沒在盎

甕亦豈燕雀然差池戀梁棟今予受國命北庭佐都

統近辭侍從班遠護羌胡種掉臂盡怯怯子獨能從
頌十月風日寒龍城雪已凍地有號鬼門灘或同惶
恐欽崎關嶺路去去催征鞍攬轡卽其志叱馭又何
勇想子酬壯懷歷覽窮天隴白頭衆山祖勢並崑崙
聳磨雲復磨天邈迤而龍嵒北溟亦天池日夜波濤
湧撒揆鯨鯢戲山岳互騰踊轅門盛貔貅劍戟森且
擁邊庭樂壯士簫鼓調鸞鳳丈夫快心目弱了徒懷
悚行矣不回顧加餐須珍重母令王化闕且使皇威
總徵書應早下歸來奉君寵

挽崔生

涉

清宵公舉宅對討蕭選註青春京兆試並草鳴鳥賦
居然十年餘此事已成故憐君獨流落窮餓逼遲暮
歸田歲不登採山蔬亦苦誰知一死冤忽復承凶訃
夜半赤白九州牧不得捕知君饒精爽定向穹昊訴
有官縻不去有臆鬱未吐惟將十句詩哭君當賄賻

送張晦而

世明

赴南平

大暑去酷吏清風來故人古者寫扇什兩語工且新
時當盛炎令赫日燒高穹青林獨羸體白羽還無功
忽然思我友作宰湖之南湖南千里途五馬何驂驪
吾聞南邑產簔屨時所寶矧筭與剡簾光潔更端好

君子善觀物觸類宜曾慮民暵且先穌政煩須急除
庶濯甑甌苦仍扇清涼惠聊誦古詩句一爲賢侯勵

代挽夏興君曹

漢英夫人走筆

安仁賦秋興不獨爲悲秋溽暑隨節闌涼風入衾裯
坐想谷翁心惻惻懷百憂時邁諒不停遠日亦已臨
平生著懿則留與閨中箴遺挂與舊蹤倏忽還成塵
况復念兒孫那能不愴神吾爲谷翁語慎勿徒自疚
百年且同穴所爭時先後所以漆園子叩盆歌嗚嗚
題詞和薤曲能慰谷翁無

十日驅馳行到達城有山僧妙慧來謁求詩不

已遂使崔吏執筆口占五言長句以與之累語拙語疊語皆不暇擇也

昨余承王命拜辭出丹闕馬卿曾諭蜀陸生亦通
粵夷艱歷千里肫肫浹兩月日暮達城館偶然黔吾
埃袈裟闌戟門忽有僧來謁解字足稱雅善謔微近
滑謂余癖於文求詩勤矻矻余謂汝求詩無乃太唐
突咄余日飲米行李正倉卒春江清若酒春山綠於
髮揮涕撻川水一弔英雄骨壬辰中砒金汝物戰死處入蜀兔棧
危通秦鳥岑岬鳥岑即鳥嶺棧在開慶地風雷盪崖壑萬古神
龍窟龍嶺在周池杳涯岸瀕洞疑溟渤恭檢池在咸金鳥

聳半空凜凜高標揭

金鳥山在善山山下有古注書故居

桐藪古戰場

壯節留遺碣

高麗太師壯節公崇謙即余外鼻祖也從麗祖與甄萱戰于公山桐藪

兵敗太師殉節實有紀傳之忠焉地在大丘府北有肅穆玄軒山文貞公所撰碑

行行時響

像觸目興轉勃然猶愛吾詩默默如癡訥千金不輕

擲寧可爲汝發明發到蓬萊征旆還當歇扶桑若可

攬咫尺看林樾萬里淨如鏡欲試凌波襪白日忽風

濤鯨鯢互出沒所憂盛炎瘴未夏多成暍有時船趕

至木石競顛蹶霧露跼飛鳶棖壁棲奔蠍閉戶若處

女深深坐甌鐺此時爾能來庶以條煩憊正待空谷

是母學叔山荆新詩不汝惜百篇恣突兀

有以釜湖雲臺爲大小之論者此固河伯海若
之辨也然余猶以爲壯觀幽賞當各適其適而
已正不須分優劣戲爲長句爲釜湖解嘲

昨登釜山亭俯瞰亭下水落暉滿遠岑纖霞映孤壘
演漾復明滅湖光轉嫵媚今朝步山臺大觀無天地
仰矚但白雲遠眺唯滄海穹鯨弄鬚鬣在蜃騰光彩
兩日愜心賞竒雅各殊勢紅餘與卓犖長短誰相晰
吾聞古鴻門楚漢讌季羽將軍擁盾入壯士拔劍舞
宴酣白日低意氣青春高猶嫌乏欵曲亦復近麤豪
銷金帳作暖羔兒酪如珠娟娟唱金縷細細酌玉壺

風味涼醞籍此樂知何似小大但自適誰能優劣此
釜湖及雲臺我若互非是不如寓無竟學諸蒙莊氏

七述篇送申學士寅伯

景

接慰萊州

庚戌四月

黃鵠摩天飛千里一徘徊征馬臨道周駢駢且莫催
客有平生親車徒日往迴念君久疾疾惜君當別離
雍容造君問爲君前致辭曰君何所適渺渺南海陲
曰君何所事儼彼萊州夷君方有肺勞何以任驅馳
吾嘗視君病呃呃不得瞑上炎若結轡中懣如煩醒
我有雷跗術君倘許我治不須湯醴投不須鍼藥試
但將豁耳目兼之快心意吾今願得間一一對君語

君拜謝客言側耳以延佇客曰維嶺南素號為殷富
豐肴與綺羞種種無不有水珍蔚州鰻陸珍密林栗
夏竹戈抽筍霜果盤映橘柚榴爛黃紫分芳競酷烈
細鱠清洛鯉爛魚東海鱉椒白更蔗脯入口湯沃雪
况復夏日飲瑩然秋露潔瀝液出箇篁甘膏稱崖蜜
調和玉醴成一醉堪千日此味誠奇妙美哉難具詰
君云吾所戒夙昔在舖餒矧酒為狂藥腐腸即肥醲
客曰維嶺南素號多殊容三五與二八窈窕美且丰
眉黛若遠山臉際如芙蓉曼鬋飾寶髻羅綺自生光
競妍以娛客日夜殊未央彩舫設中庭瑤瑟繼洞房

喧喧衆樂會緩歌調宮商翹然舞白刃獯迅名黃昌
有時風雨集颯颯鳴空堂出入紛變化天地久低昂
此樂誠廣麗美哉難具詳君云吾所戒夙昔在淫放
從來聲與色祇令心神蕩客曰維釜洲實衆倭所館
吾聞日出國東南南海無岸南海聚寶窟珍貨浩千萬
珂峨接西洋艚舶通阿闍瑞腦真龍涎珍珠老蚌卵
琇瑱與珎瑜瑟瑟青紅爛絳羽孔雀尾織罽麒麟段
大鏡明月懸名劍雄犀斷蘇檀比析薪銅銀供兌換
炫煌奪人目瓌麗世所罕偉哉無盡藏亦足供賞翫
君云吾所慕夙昔在清素彼哉等土苴近黷非吾取

客曰維東京最大雞林府雞林古羅都赫居乃其祖
卜年近一千傳祚至王傳杳聯時代遠徃跡留千古
金櫝始林兒寶帶真平王文昌有舊庠庾信有遺墓
鮑石戒荒王鷄述悲神母浩歌月明巷驅馬天官路
曲萬波笛東海可微步文武水中陵徃徃生雲霧
遂古近鴻荒竒恠不可數行行子所歷亦足富觀覩
君云聞爾言爾言差可適王程第有期未敢便浪迹
客曰遊故都子旣未暇卽故都行二日遂至萇山國
萇山卽萊州自昔隣島域州南五十里有臺名沒雲
州東十餘里有臺名海雲兩臺壓滄海壯觀天下聞

湯湯千萬里浩浩無畔垠誰駕祖龍橋可投任公綬
三山若可見極目空氣氤時見鯢鯨戲含杳天地昏
客言故未已見君色頗欣君云可復聞客乃起更言
曰彼臺之東可以賓朝日夜半天色開雲濤共蕩涵
六龍捧火輪杳杳以東出紅光與燦芒旄赫而潑刺
霓旌引霞旆鳳御叅鸞蹕中天太陽升萬國重昏失
茲觀儘奇絕談說誠難悉君今行到此足瘳幽憂疾
君聞啞然笑偉哉君所說然吾且飲冰所憂腸內熱
王事恐差池未敢便遊佚客曰子誠是子心余所知
君今何所適渺渺南海陲今君何所事儼彼萊州夷

茲事國所重交際宜先勸萊州慣接夷綬遠有舊典
來有下艇宴去有上船宴設茶先受書必也以禮見
其人好疊劍其俗輕鬪戰頭上漆木櫟手中金摺扇
斑斕彩繡服左右矜顧眄長袴一尺餘曳地時自卷
格徒七八十各各皆徒跣睥睨在垂手自爲恭倨辨
太慢則失歡太遜又近輒弄刀非所怵賄貨非所眩
凡百慎威儀遇事要熟練彼以小巧慧我以大智辯
彼以小黠詐我以大信展言當委曲處時或事宛轉
事當決絕地快若熊兕剗伸縮我自如彼豈能拘罥
折衝在尊俎威靈足可闡箇箇得要領歸奏明光殿

男兒蠻貊行不負朝廷遺身名貴俊偉事業宜光顯
區區床褥戀不須憂疥癬君聞復輟然敷腴見顏面
曰余雖顓愚請以斯語勉客復曰此事於子未爲盛
子讀古書史應慕古賢聖夾谷齊魯會儼然夫子政
契丹獻納字使乎富八諍其事有大小所貴安邦境
今子當此役操持在兩平須宣聖神德且使天威競
浸漑雨露潤焯赫風雷騁千羽格羽獎驕桀折清正
波濤永戢息東海淨如鏡扶桑以東西萬萬琉暹竝
殊隣玉帛至重譯筐篚秉紛然一王會回面來朝請
褒君著功伐銘君上鐘鼎然後爲君賀弗愧播歌詠

君既聞此言不覺據几起如執熱濯風如久渴飲水
矚然白日光快照雲霧裏泐然汗不止霍然病乃已
再拜爲君謝子言乃能爾吾方受國命明日吾行矣

挽李士休

行逸發引之夕燈下走筆患唇腫不

清江^七禮齋君家卽孝族惟君素修潔行義實自勗
內皎以懷珠外朗如冠玉風流興頗饒藝業才太足
投壺驍類郭論書僕命蜀親朋盡才僞許我更敦睦
共蔭南階松弁訖四隣竹泠泠置膝絃湛湛盈尊淥
雨霽山樓射秋深道院讀如君信脫略此心匪詰曲
云何落^八罔而竟遭^九寥辱崑瑩俄投焰豐劍遂^十堪獄

三年隣謁幾千里飽蚶蜆南還得雷雨驚喜泣骨肉
嘉賓復聚好事亦頗續南山遇李廣北郭通袁叔
而我賸居銓未卽剡薦牘誰知數日別忽聞君病篤
無乃酒流禍抑恐墜遇毒吁嗟命之薄此疾終不淑
君年未五十匪壽斯爲促君官纔下級一斥仍不復
君無子有姪姪爲君家督哀哀束八尺蹙蹙斂一木
百年儘朝菌萬事同風燭虛囁施珠絲空簾下塵軸
籬英露未黃庭草秋猶綠念君家書釀新甕日當熟
此時君莫飲此酒誰更漉聞君將卽遠明發指揚麓
我適值家祭清坐事齋沐君行我未送我淚徒盈目

况君先大夫至性凝顏陸行備軒相篇事列春官錄
不謂幽堂事君乃以我屬此文久未就此詩奄先哭
我愧多負君此愆將何贖惟應一偷暇訪弔君斧屋
代醴澗水清折看山花馥挑燈寫長句誓言以相告

明善公主挽詞

癸丑

三珠閨苑樹燦燦瓊花綴鮮飗忽迴蕩慘見雙枝折
十五瑤臺月盈盈復皎潔正仰清光滿誰知圓魄缺
鴛機已先斷鳳簫亦已吐上帝所震驚九重共愴結
詞臣在下土橐筆事詩訣悲將薤曲陳忍覩穠華撤
敬次圃隱寄東浦孟先生韻仍送休徵令公

瑞六節湖西

昔我讀鄒編一讀二嘆傷正界卽告滕罪歲嘗戒梁
行仁豈有他仁一乃其方嗟公大賢後况爲時龔黃
韋丹蒞江西守約化平涼分憂得衣繡玉節指溫陽
母懷游子悲且軫民皇皇至願在增賦不憚罄蓋藏
民情極哀怨天心寧杳茫冀公尚拯活何須怨參商

水雲亭

人問水雲亭何以水雲名水鍾與雲吉二峰當吾楹
朝態娛人眼暮韻清人耳脩然朝暮間高興無時已

又

山雲在吾上江水在吾下素影時卷舒綠波自滌瀉
惟堪灘上釣且供林山臥滄浪與幽石曲高無人和

又

沔川并漢流蒸水浸湘界吾亭亦奇勝二江此焉會
名藪邁青草危島森蒼檜歷歷恢所矚曠然天宇大

又

白雲在太虛英英抱幽德高凌霄漢界靜合烟霞色
偶然釀陰功時作甘霖灑生意發枯萎蒼然滿四野

又

名山紛匹會似爲吾亭來迢迢百餘里乃復見雲臺

森然衆牙笏突兩三角髻高華與鴈台誰能識品第

又

吾社昔行吟杖策茲丘丘偶爾撒阜此速焉營菟裘
舊稱梨棗湯今作松梓里天雲小池邊叢臺尚遺址

又

淮流日在眼中有樂翁間入坑仁義言歸作神仙居
舊樓是白雲遺墟但綠草癡眠忒宅相永言懷王考

又

南谷歸溪水北岸辰溪水二水並入江有本蓋如是
餘生已孤露樂育失時雨兢兢父師教誓言銘心腑

又

山婦理木鏡水客理魚罟魚隊競藪雨菜族滋芳露
幽居春欲晚時物共媚嫵且待新酒熟一醉梨花塢

又

山人憑山閣睡罷知日午翠靄初收障白雲猶滿戶
正當炎燠日獨專清涼界何來北窗風林樾更蕭灑

又

山容日偃蹇林居轉岑寂潭清魚可數霜落梨堪摘
東籬嗅黃花南澗掃白石幽人自獨往不復尋行跡

又

千樹汙陽花十里洞庭月春花與秋月物色互無歇
氛氲衆香國浩蕩水銀窟扁舟動高興遊賞亦可悅

送辨師便赴燕

丙辰

白日須掃翳白玉須洗痕匹夫誣猶仲况乃邦國冤
國冤與主辱臣子固同怨美公宗戚卿才誠冠周
藩自言異異姓籍忝聖祖孫急病義則然辨枉心
素存將齋珠玉幣一扣虎豹闔憤昔東江帥簸弄有
流言力蔽宣光業似慰廉來魂齊東益悖謬侈哆不
足論願訂太史編一一得更繾歷歷著廢興昭昭割
明昏清流自洞澈汚渠自淆渾雅奏一鏗錡淫哇寧

復誼茲事國重事公行宜自敦幸湔 九廟壯誓報
明主恩秋風動榆林清霜滿薊墩間關穿戎馬迢
遞度塞垣中原日多事東隣憂正繁歸塗應勿滯戒
心亦莫緩遲公幹事迴對公東園樽

挽李進士

師命

內子

丁巳

少得阿母憐嫁得阿姑愛郎君復才賢人稱兩美對
自爲貧家婦布練易羅紉我爲孟德曜君爲梁伯
鸞 一昨聞梁伯鸞鹿車載妻去誰知五噫歌仍以悻
亡語 三阿姑哭賢婦阿母哭少女哀哀兩母情寸腸
餘幾許 四母與女爲別一別隔生死生憎白馬潮不

通黃驪水

下

可憐乳哺女但知學呼爺不記孃鬢貌

且留孃笄珈

六

悲哀結腸操愴惻傷往賦知君有文

章新成幾篇句

七

涼月旣云缺曉露亦易晞但招平

生魂却向故園歸

八

送清風李使君子三

整庚中

江山若論價萬金亦不足公不用一錢自享神仙福
寒波動碧虛高樓映水曲汭洄一棹遠杳然懷玄躅

七言古詩

孤鴈篇哭可億從弟

可億發引作余
病甚不能赴外

鴈復一鴈雙雙共徘徊風摧霜落忽相失身單影

子鳴聲哀高堂列衆樂中有墳與篴篴兮篴兮調易
絕唯聞惻惻墳聲悲絕響難更續斷行不再聯孤調
與獨影懷切不忍論哀哀廣陵路庶招平生魂巫陽
不來在帝旁九關茫茫虎豹立江風挾碧蕩夷愁白
雨亂落鮫珠泣雨泠泠風習習孤舟悅見神靈入由
舟行是日雨維楊之山一片土千秋亦埋人如玉可惜珊
瑚之樹纔出海一墜重淵那復得

夜讀諸葛武侯出師兩表有感

隆中之野寬而夷誰云不如莘之宜耜音治韻會耜除草也隆
中之水清而漪誰云不如磻之宜絲安乎釣者周之

師樂乎耕者商之伊吁嗟乎侯道不差二顧豈特聘
幣爲魚水還同載匪羆臥龍欵起風雲隨遂令豫州
一孤羈坐向玉壘開帝基狐操鼠權顛復嚟我縱我
擒威且綏吁嗟乎侯才之奇南人北人耕相嬉姬民
讓_此言治吁嗟乎侯仁之施受遺何殊事裘委政
令予奪惟吾持下無以嗔上莫疑侯之旣没民呱悲
廖徙李廢同涕洟前出訐後出師兩表灝且噩商家
說命周公無逸辭秦陋漢淆那有茲千古萬古長昭
垂誦靡衰吾亦不知侯之何修而乃至於斯無亦侯
忠義之屬人心其猶乎江漢常流日月常麗固有杳

然行乎兩間莫之爲而忍噫

挽洪榮川大夫人

即豐寧君夫人

昔遊舅氏門獲拜榮川君因讀舅氏文狀得豐寧勲
豐寧甲科中興初晚歲退矣乃尚書漢代卿相爛勲
伐韋家子弟多名譽榮川於文詩解不與時人競
奇恠千頃江洋風行水萬里紆餘江到海是夫是子
有如此夫人福德真無比一自大夫捐館速寂寞南
園秋草綠如何板輿安仁樂復作萱堂敬姜哭門閭
無復望吾兒萬事人間誰不悲昨夜嫠女報沉彩劍
合延平會有時東風漢水層冰開碧蕪燕山春自回

迢迢丹旆向此去薤歌一曲令人哀

挽趙教官聚叔

宗著

大夫人

我讀歐九瀧岡文自叙平生少孤貧辛勤成立世其
家教養皆由大夫人嗚呼情至語亦至令人涕落沾
衣巾吾黨趙君行義篤况有雄詞拔衰俗高堂廿載
甘旨具下帷三冬文史足佳客時將髣髴髮供異書寧
惜筭金贖人言此母復此子古人相相似誰知
一夕棄色養只有遺訓傳女史零落堦萱秋雨多蕭
條庭樹涼風起請看來日維揚北突兀青山一片石
孝子一字應一淚此豈遠減廬陵客

斬王府送花園老卒歌

擬程式爲

紫府深深盡戟閑
白日花園春欲老
園中物色夢已闌
箇裏英豪心幾惱
峨舸今夕送君去
碧海茫茫波浪浩
吁嗟丈夫未遇時
幾歲潛身隨戰討
不向黃龍靜烟塵
却來朱門供灑掃
無事唯堪白晝眠
有才誰憐玄髮皓
龍泉補履璞抵鵲
終古英雄怨枯槁
時來片言忽投機
能使將軍識負抱
將軍雅量河海窄
不恨遭逢苦不早
滎陽萬金不復問
漢王從來信盜嫂
荆豔越歛雜賓從
蜀錦吳綾兼玩好
龍艦雀舫海上槎
絲管嘲轟激晴昊
長風擬破萬里浪
指點滄溟本

烟島懸知偉略動海國蹤履夷王幾顛倒收得鯨人
萬點淚換取龍宮千尺縞向非計然飽奇策誰識波
斯有絕寶嗚呼大才每如此有卒邯鄲亦興阜一說
應須御王歸何當送汝幽燕道

仙槎行

一作還訪成都賣卜人

度索金蚪萬年根渺渺清秋泛滉瀟莊生謾誇瓠作
尊太乙還慙葉爲舫不知海客何福緣却跨仙槎天
漢上璇璣織錦是誰姝銀渚牽牛此何狀但覺瓊梭
萬縷光雪腕新濯雲霞颺磊塊拳石亦奚用一物更
荷丁寧貺五色驚自補天手七寶疑從脩月匠璿璣

穆輶夢中夢塵土歸來眩真妄蜀肆高名喧上府慧
視冲襟絕俗障神物須遣道眼矚靈區合向真仙訪
提攜篋裏絕世珍摩挲認出天孫餉曾挂屋宮七襄
機慣洗明河千斛浪流雲讓月入指點白榆的皜天
墟曠神遊萬里卽化人異蹟千秋同博望聞此自疑
還自驚塵骨未蛻增惆悵八霄犯斗太怳惚無乃齊
東恣譎誑纓弁別有下土臣願借瑤堦一證嚮化人
事出

列子
王篇

擬佛印送別卓道人兼寄東坡長句

東坡別集云坡在惠州其家以地遠無人致書爲

憂有道人卓契順者慨然嘆曰惠州不在天上行
卽到矣請書以行佛印因致書云常讀退之送李
愿歸盤谷序愿不遇之於主上者猶能坐茂樹以
終日子瞻中大科登金門上玉堂遠放寂寞之濱
權臣忌子瞻爲宰相耳人生一世間如白駒之過
隙三二十年功名富貴轉眄成空何不一筆勾斷
尋取自家本來面目縱未得到如來地亦可以驂
駕鸞鶴翱翔三島爲不死人子瞻胸中有萬卷書
下筆無一點塵到這地位不知性命所在一生聰
明要做甚麼三世佛則是一箇有血性的漢子子

瞻若能脚下承當把三二十年富貴功名賤如泥
土努力向前珍重珍重讀此書令人心目爽豁印
卽金山了元長老坡最所得意禪友也坡年譜又
載卓契順事契順以諸子書自蘇至惠得書經還
問其所求答曰契順惟無所求而後來惠州若有
所求當走都下矣苦問不已乃曰蔡明遠鄱陽一
校耳顏魯公絕糧江淮之間明遠載米以潤之魯
公憐其意遺以尺書天下至今知有明遠契順雖
無米與公然區區萬里之勤儉可援明遠之例得
數字乎公爲書淵明歸去來詞以遺之云契順亦

可謂瑰瑋絕俗之士矣余嘗竒順之義高印之論
竊有所感於中者遂以此爲題試占長句且示從
學諸生

道人今朝辭遠行我聞其行感其義坡翁自是天下
士惠州蓋亦人間地君行到惠見坡翁爲我且傳殷
勤意昔日坡翁訪我時數月金山駐我寺彌天道安
戎豈敢四海鑿齒翁不愧供石禪居真戲劇坡嘗送怪石二
石九十八枚千佛施帶山門亦好事坡雲金山解所
門佛印取昨聞翁從赤壁還更入脩門讀中秘繡繪
和裙相報屠虞粉黻衣點竄伊臯謨訓字不知明主復何辜

沅湘潭重憔悴臭腐翻嚇赤霄雛扶搖屢鍛青雲翅
隨夷元自忤盜躋絳灌寧知憐賈誼翁誠達人識趣
舍我且要翁證真智萬卷由來貯腹裏一塵何嘗點
胸次胡爲懷寶不自寶却使明珠混穢器朱丹軒轅
幻穴蟻富貴光陰易隙駟況值天衢日晡暄雜沓跳
狐與嘯魅趨名趨利爭奪具何不掉頭便斷棄試叅
維摩不二門自有菩提無上位靈山蓬海欵來往翳
鳳麟鸞足娛戲能超塵白是不死豈待丹鼎乃久視
平生愛翁一轉語此日憑君萬里寄翁聞此語必點
頭努力仍須勿失墜翁歸不復慮無家擬掃蒜山待

翁至

東坡有欲僦居蒜山地屬金山作詩與元長老一第末句云蒜山幸有閑田地此無家一房

客

復戲東坡寄謝佛印禪師詩仍用前韻

浮玉山頭

乘禪

金山一名浮玉山

早歲歸宗了真義

印本號歸

宗大

千偈鳩羅語翻水

東坡沙高臺示元長老詩云臺中老比丘眼照窗几毫

變玉為骨案為霜入齒機鋒不可觸千偈如翻水蓋川鳩摩羅什曰誦千偈之語

一箇摩尼

光燭地我昔過訪南都日師曾笑谷西來意

傳燈僧問趙州

如何是祖師西來意趙州云庭前柏樹子

淵明久困彭澤米遠公尚占東

林寺袍帶錦玉師實稱

唐武后賜萬禪師錦袍玉帶東坡以帶施元長老詩

有錦袍錯落箭鋒機緣我多愧

傳燈序機緣交激若真相稱之語

詩有鈍根仍落
留詩換衲識深情供石分山俱勝事

分山即欲傲居諒山寄詩事神交不復論遠邇妙理

何曾有慳秘于今宿業墮危網坡以嘗作呂惠卿降

安置惠州坡有答劉河書云某平生以言語文字見

習氣宿業未能盡去流落南荒斷音字誰知行脚有義徒坡在惠州

寄人書某蕭然萬里中一行脚僧云言慰憔悴投來寶珠忽入手

喜極清風颯生翅書中歷歷提醒語再拜吾師感篤

誼消除熱惱賴法力砭切愚昏惟上智由來立命貴

太上不欲將身置其次此用叔孫豹太上立德其次立功語東家大聖

見伐樹西蜀奇才親滌器十城隨和遭按劍千里驂

裹困下駟漢朝賈傅旣賦鵬近代青蓮亦禦魅悠悠
今古乃如此棄世何心怨世棄文繡不及道義樂天
爵寧羨季孟位從茲庶叅不二法三復要言異呵戲
管公明論易何晏曰要言不煩
墓嚴經云人之所貪佛之所呵名韁禍羅本同條玉
罍珠厓還一視富貴風前信燭轉文章木上真瘦寄
亡人文章木上瘦即東坡啓李端叔書中木有瘦石
在量犀有通以取妍於人皆物之病之意寄寄生也
清泠一滴甘露漿我且奉盈期勿墜爲送道人兼謝
師載書還慙語非至

前詩不及謝道人之意更成一首仍用其韻

道人昨自故鄉來我感道人多氣義脚底猶看萬里

色意中自輕三危地傳書我已見爾情贈句爾須識

我意方朔初年金馬門零陵寺厚暮歲零陵寺零陵永厚

嘗住龍興寺有自衡陽移羅浮在惠州博羅縣又是

五嶺外三黜行裝真自愧翻思赤壁即近土虛羨丹

砂有舊事吁嗟今我異故我文日詩文今且秘坡與

叔書足下所見皆青蠅惟堪作吊客世說虞仲翔放

故我非今我也節骨體不媚犯上獲罪當長沒海白鴈無憑傳信字

時逢饑婦說夢幻即春夢可有漁翁問憔悴嗟峨劍

鉞剩割腸坡川子厚詩有一句寂寞雕籠同剪翅鵲

賦閉以離龍誰知越絕蠻蜒鄉却勞吾人抱深誼傳

剪其翅羽

楚谷裏縱可喜逐臭海畔還非智

曹子建書海畔有逐臭之夫語出呂

覽向非高義出尋常那得長途決造次遙思京洛衆
所趨濟濟冠裳皆國器黃金白壁正丘山流水游龍
作軒駟爾胡不北獨南來遠慰炎荒侶魍魎秋扇舊
篋時所賤瘦馬東郊世共棄生平忤俗有骨體此日
動人無爵位吾知玉貌非有求勇往何曾顧譏戲持
謙辱自明遠比誦義人將翁伯視餘生尚作江海遊
晚節倘向雲林寄金山寶偈最難忘握裏盈盈明月
墜爾歸若逢高禪語道我庸夫勉必至

書佛印禪師寄東坡書後復用前韻

吾觀自古賢達人出處何常唯適義區中每起山藪

思象外剩開烟霞地釣澤羊裘早見幾方正學詩生

羹獨向桐江釣烟水浮海鷗夷即行意史記范蠡曰君故憐南

國怨椒蘭且弔東都殄宦寺亦有癰瘞得車者莊子

有病召醫破癰潰痊者得車一乘肯識人間有

羞愧歐陽脩與高若訥書所以高人善醒俗坡割子

羣小計較短長者所笑往往名瑜稱解事蘇門贈言患

才多孫登謂嵇康曰今子才多華嶽占形嗟術秘休

官共誦靈澈句誓墓尚傳羲之字王右軍有昔時玉

局蘇老仙才高命薄何憔悴坳堂誰挂渡海筏蒼蔚

却巢垂天翅風流絕代蓮李白痛哭憂時追賈誼紹
聖年中事反覆所資非賢愚爲智金門石渠一夢幻
瓊海珠厓頻遷次雙龍再開豐城土六劫奈拋明堂
噐憐才獨有金山禪咄咄神驥並驚駟手持圓鏡照
十方擬與仙翁服魔魅山谷詩乞與
服魔大圓鏡云路羊腸久知
難榮名雞肋今宜棄塵根永斷覺路開一超真有如
來位奇言至論若指掌莞爾元非寓嬉戲劇來沆瀣
白爽口編得珠璣動盈視吁嗟先民亦有言生死浮
休鵬鳥賦語軒冕寄邈邈高風世絕攀茫茫苦海人爭墜
爲誦歸宗偈中語散落曼陀滿空至法華經如來說
法天雨曼陀羅

花

宋子客舍遇高漸離

堂上危絃悲自語堂前豪客驚田
廷希音尚擅舊曲
譜弊褐不是真傭雇君從何處到此地我知君心與
君訴憶昨君向燕市遊雄心俠骨時相聚大者慶卿
與田光餘子嬰孩不足數那知屠肆酒人樂翻作儲
宮國士遇儲宮片語烈客死易水悲歌壯士渡堪嗟
銅柱一擣誤虛挑強隣按劍怒茫茫天地盡網罟舊
客金臺散烟霧揮斥郢匠悲質亡吹簫弄人怨日暮
逃名匿作苦畏約誰識英豪事卑汚今朝主人有佳

客擊筑泠泠動宮羽。淒聲觸耳技癢人。彼傭猶能辨
曲誤。邯鄲倘非豫子。夕樵悴形容幾莫寤。鬢髮倚
指冠。上衣冠想像臨江素。當年祖席變徵聲。此夕華
筵欣再晤。高堂白日忽黯慘。大陸悲風莽回互。尊前
砢涕一爲笑。匣中雄鐔長虹吐。論交逆旅未恨晚。且
莫後棄生平慕。英雄托足已無門。却恐風塵更失路。
嗚呼豺虎憑凌正。飼人善保千金須。自護

送長安君質齊

翩翩公子貴介弟。芳年妙譽稱麟鳳。榮封已覩作藩
屏。美材端合爲楨棟。一夕天弧動雄芒。磨牙餐血金

虎閩西邊羽書日旁午東隣冠蓋何倥傯
來朝深愛固至情左師微言真善諷試看憐子
勉功業何如重女能嫁送存亡事急可割慈
短長謀深便折衷況今交質異鄭惡非關涕
出因吳哄平朝使車出青門文駟縹茵珠絲
輕乍別叢臺觀闕遠遙看岱泰雲烟弄白璧
黃金晉陽幣三軍五家臨淄衆華堂錦筵一
抵掌寧見齊甲弦皆控須申洹水踵蘇季更
誓葵丘追管仲已期親懿兼上伐誰將真食
譏虛貢怡顏永奉兩宮歡指掌庶雪三晉痛
功成鼎呂邁西歸且莫久作邯鄲夢

挽鄭東溟

斗州

左海有箕壤人文特昭朗
邈羅壘間突兀崔鄭黨
大同吟詩陽關語孤雲
草檄賓王侶春卿之後得牧
老衣鉢圭齋亦曾許國朝
季昱及垂雲昌黎翺籍殊
司倫中間簡易起草時誰
知下里銓計鈞吾祖玄翁
實接武獨擅希音古樂府
中興傑出張相國復學班
揚闔門戶崑崙萬脚獨一
脊霸統紛綸此其嫡廬陵
讓蘇且一頭公卽張公門
下客山君傳擬毛穎肖海
客文績田橫吊大陸賦文
公賦劍比陸一歲公差少
青春甲科推第一一日聲
名正岑岑醉躍陰山雪後

馬吟對扶桑夜半日西遊北征恣觀玩太史文章亦
已滿神駒誰道有齧決下寶猶能名木難詩聲最工
七言句慶陽瑯琊堪並驅歸來閉門城西第自愛詩
諷有妙趣翰林群兒多齷齪任汝銀根字半錯詞垣
推轂太遲暮不屑腐鼠餉鵠鶴我慕公名二十年邈
迤一識綾豐筵宴酣招呼三學士丹顏白髯真神仙
亦有洪生時問字爲誦吾詩汚公耳曾聞河伯愧海
若應笑東家效西子牛川江上春漠漠擬得公題滿
水閣却驚中天遽返真奎文掩翳滄波涵公辭濁世
出塵決公馭冷風上寥廓我獨胡爲心惻愴爲惜斯

文失宗匠惟空
迅篋動光恠恠底晴虹燭萬文爲
公家深深十襲以鐫局莫使天公白日
砮雷走風榮
六丁

明憲公王挽詞

昨聞繡嶺初迴駕誰料瑤臺遽罷夢萬舞却傾吳市
鶴獨影奄迷秦樓鳳錦石銀河謾支機紅玉堯離虛
滿壘最足丹宸留至愴玉簫悽斷不成弄

心庵先生遺稿卷之二

息庵先生遺稿卷之三目錄

五言律詩

一百五十一首

積雨

挽李僉正

聖淵

上在山樓前臺

木蓮花

終南閒居

二首

聞早蟬偶題

拱極堂

立秋後一日夜坐

七夕

次玄正上人詩軸韻

喜瑞明見訪

懷趙揚卿

懷趙公舉

初秋

試院秋夜錄奉閔太僕金檢討求和

卷三

息庵先生遺稿卷三

一

金匱要略卷三目錄

書玄正上人詩軸

次韓肯世韻二首

贈金醫應詢二首

贈別趙勉卿二首

次空善裕韻

送權水曹原移拜察訪

挽朴林川炳

謝趙公舉夜訪

抱病

送曹承宣令文川二首

遊道成庵

次趙揚卿韻

次趙揚卿韻因送揚卿彌明先歸

贈老釋楚雲

挽南統制斗柄

贈別金教授應詢兼示沈蔣兩公樞

夜過納清途中口占 留龍灣

無題

公子行

贈別呂評事希天

挽崔古阜批海

春日山居

春夜聽雨志喜示允明

碧桃

紅桃

次權汝明韻

疊前韻答贈紀明

挽李陽川

哲英

室內

又疊心字韻志感

求解官

書未遂

志懷

以不請

槐院

居下考

挽李子輝

挽鄭高陽

昌徵

挽鄭知樞

孝俊

奉和止庵李文寄示韻

大殿春帖子

送李次山赴海西幕

卷三目錄

送南叅判

龍翼

赴燕

贈趙勉卿赴燕

挽李正字

明錫

寅賓軒睡起

大風

寄申掌令

命圭

愁坐孤館有感咏懷

疊前韻

夜地大震屋宇盡搖

謝玄風倅權君季常

題姜太初中車錄

家國

憶昨

偶閱澤堂詩嘆而和之

次申元瑞

謫中韻

聞金叅判伯玉計

寄申翰林寅伯

更次申元瑞韻

再贈張道人

四

擬徃海雲臺阻風不果錄奉萊尹令公

寄問洪朝伯

憶家中藏書

憶園中鶴

聞家園諸花盡開

自萊山向通度寺午憩梁州雙碧樓

通度寺鍾閣

塔臺

喜萊尹令公追至

簾差於筵席

求詩書贈

一律

次李侍講季周韻

再疊

三疊

一疊答李騎省文若

挽李副學

端州

別李子三赴韓山郡

送金夏卿赴安東府

挽權掌令

斗樞八首

魚尾分通和卷三目錄

挽李監司

呈徵

挽瀛昌君大夫人

牛川途中記所見

晚上斗尾

造朴季肯赴通津縣

次李侍讀次山韻

再次

又疊前韻記感

次李美叔韻挽李輝世返葬故山

送李文瑞出宰安東

挽福寧君

二首代作

挽沈廣州大夫人

沈校理

熙世

遷葬挽

牛川舟中一占寄申兄戴明

舟中偶吟

自平丘舟下新川由箭中橋入城

息庵先生遺稿卷之三

五言律詩

積雨

壬寅

四月恒暘極三旬積雨淫
急疑天並漏昏怯日俱沉
苔色連床暗溪流繞砌深
繁憂難自整得酒且孤斟

挽李僉正

聖澤

公之胤子東稷與余為同年公
曾與昇平完南與聞靖社之議

曾從迂相座談笑得追陪
鱗翼非無代龔黃特見才
桂華椿不待萊舞薤還哀
蕭索風流盡塵凝北海杯

上在山樓前臺

詩驟雨初霽

倚杖臨山閣攀崖得小臺
疎林收急雨深壑散輕雷

花逕元通竹蘿衣欲染苔
翛然遊賞足斜日不知回
木蓮花

一樹木蓮花青林間素華
迷離三徑外寂歷數枝斜
冷蘂疎偏豔寒香晚更葩
性雖殊水陸肇錫幸同嘉

終南閑居

終南深復深卜宅近前岑
臥看白雲出靜聽山鳥吟
林風涼客夢澗水澄人心
興在忘言處悠悠不可尋

又

太極亭高處悠然獨倚楹
有時山鳥近終日小溪鳴
嵐氣晴逾碧松聲晚更清
遊心叅造化誰識此中情

聞早蟬偶題

六月已將半夜來涼氣生小池疎雨滴高樹一蟬鳴
採化觀時運居閑任物情蓬山曾有約吾得及秋征
拱極堂

拱極齋居靜終南雨色晴閑雲度岫白啼鳥隔林清
高臥寧忘世深藏更畏名逍遙聊自適還欲學莊生
立秋後一日夜坐

一夕西風動三旬積雨餘夜涼秋在樹蛩語月臨除
宦況閒仍淡文章病轉疎終南門巷僻誰訪子雲居
七夕

天上雙星會人間七夕過新知片宵短生別隔年多
機罷愁如織河橫淚洗波輕歡仍重恨誰道勝姮娥
次玄正上人詩軸韻

金剛一萬峰高插白雲中窟宅神靈閔煙霞日月公
返開鯨噴雪天濶鶴翻風共爾攜筇去秋山訪羽翁
喜瑞明見訪

何來驚剝啄訪我葦門秋白雨留佳客青山入暮樓
蟬歸高樹靜鶴伴小池幽賴有清尊酒杯傳各散愁
懷趙揚卿

正憶林川子南遊幾日迴三春千里去終夏一書來

交態唯吾合文音
勉爾才秋風湖海濶愁絕獨登臺

懷趙公舉

金

念爾金閨彥長趨玉陛晨風清宮漏微煙細御爐熏
碧落神仙近青雲雨露新終南病客在獨自草玄文
初秋

秋意日冥冥鳴蟬不可聽到池疎雨白開檻片峰青
世孰知高曲人今笑獨醒江湖波正滿歸臥弄雲汀

試院秋夜錄奉閔太僕

點

金檢討

萬其

求和

校士吾真忝猶欣長者從未能空冀馬誰是得驪龍
城闕秋陰暮林園露色濃論詩消永夜時復聽疎鐘

山人玄正今春復來訪我於息庵齋居余讀軸
中詩至申君瑞明所題不覺愴然繼以泣下嗟
夫余與瑞明共題此軸者不能一歲而瑞明今
已作千古人矣轉眄之頃嬗變如此文酒追遊
遽成陳迹此子美所以迸淚於人日之作而永
叔亦嘗興哀於秘演之文者也遂更寫一行以
贈玄焉瑞明又嘗手畫一紙以弁此卷而巔崖
古樹坐老僧其下甚有意態今閱之獨不見此
余恠而詰之則玄言有一貴公子善賞鑒見而
輒藏去不還云

玄也求又至君曾和我爲兩行今日淚三復去年詩
隨意林花笑多情谷鳥悲寥寥千古事誰更話心期

次韓肯世韻

銷愁唯有酒下飲奈愁何花氣流新雨鶯聲度別柯
世情身外少春意靜中多况值親朋至詩成得共哦

又

懶廢逢迎久柴門每不開花隨春共去君與月俱來
榻爲延徐下舟寧訪戴廻昔人河朔飲今日莫停杯

肯世與東隣俞君元甫最相契厚結
至俞舍或不可余而去故第六云

贈金醫應詢

積疾將危日良方再起時一身初屬我萬事尚須醫
物物春俱得閑閑病與宜遺文素難在吾欲問軒岐

前冬余得奇疾幾不免游岱辛頓全
君投藥輒効聊將短律以鳴謝意

又

古有從_燕市何妨與子知春風入細酌微雨和殘_基
檢藥君_臣合修生性命宜誰當推妙理一得上醫醫

金既業醫尤精於切脈又以國基名時
鮮有出其右者即古素德之流亞也

贈別趙勉卿

憶君傾蓋日意氣_許相加夜問_玄亭月春題翠壁花
舊遊猶夢裏此別復天涯努力臨分語安時未足嗟

又

龍灣一千里擁傳亦勞哉
轟轟胡山出茫茫鶴野開
金繒猶道路絲管自樓臺
流涕江南事君應作賦哀

次李善裕

慶萬韻

憶昨東遊日騎驢訪石橋
秋風入古寺孤磬發清宵
一別煙霞隔相思魂夢遙
因君重起興便欲理征輶

送權水曹

原

移拜幽谷察訪

何遜才名久二猷宦跡奇
可憐新記馬誰識舊能詩
熟路征驂倦閑林歸鳥遲
唯應庾嶺外時寄一花枝

挽朴林川

柄

丈人宰東郡吾行指朔方暮春花滿縣細酌月窺堂
往事真如夢遺塵祇可傷還憐勞父老伏臘在桐鄉
謝趙公舉夜訪

不怕金吾問相攜到夜分人言星聚客吾得月留君
衰草喧蟲語微霜動鴈群西隣有好友幾日共論文
抱病

抱病南山下林園秋雨餘未能成遠去猶得賦閑居
遼海幼安榻吳江別駕魚風鷹紫簪紱慙愧每虛徐

送曹承宣令文

漢英

出守春川

紫綬臨仙界青雲厭禁廬春州從此去秋興定何如

漢水波寒夜清平木落初遙知康樂屐時得跨空虛

又

資玄昔隱處吾祖復行吟粲粲煙霞色蕭蕭楓樹林
秋江連雨冷古寺入雲深早晚追飛鳥遺塵倘可尋
自哭壽兒情事慘絕表從彌明輩見其如此拉
余爲三角之遊非直賞秋蓋以塞悲遂設泡於
道成庵徵明先已負笈揚卿與余聯轡留凡六
日而歸

暫爲除煩想因之得勝遊疎鐘古寺夜寒葉亂山秋
欲證無生話誰憐不盡愁人間一泡幻吾意在丹丘

次趙揚卿韻

浙浙林中雨微微壁上燈秋風開古殿半夜禮高僧
逸志雲霞杳禪心水只澄幸無簪紱累一臥碧山層
次趙揚卿韻因送揚卿彌明先歸

始喜名區入還嫌歸路通青山懸落日赤葉下秋風
惜別三杯盡談玄一榻空知君多妙句寄我白雲中
贈老釋楚雲

國子官初解禪宮迹偶投一燈孤照夜萬葉共吟秋
曠蕩丘中想飄飄物外遊老僧多好意猶足爲遲留

挽南叅判

斗柄

平樂觀六口將軍用武名裹尸思又烈聽鼓荷皇情
蠻海威今 盪吳兒姓字驚輜鈴身後托仍得藥師甥

帝即忠壯公以興之子今
御營大將柳植然之弟也

贈別金教授應詢兼示沈緒蔣諒兩僉樞

三人俱以軍口陪
家人人赴燕

弱國勞皮幣家君此赴燕晨昏違萬里羈綫荷三賢
積雪圍遼野寒雲接薊州逢迎知改歲花月俱江邊

夜過納清途中口占 乙巳冬爲問禮官時

昨夜過葱秀今宵度納清每因忙後錯還似夢中行
馬足唯憑爝雞聲且辨更名亭疑讖錄却憶富公爭

次韻

儋使久堂

朴長遠

忙中惠瓊什意得語便清千里忘羈旅三人共此行攬裘衝急雪持炬走深更遠憶歸盤隱無人子所爭

留龍灣

迢迢千里遠匆忽一旬更此禮猶相問雖蠻倘可行亂山迷古戍寒日翳空城錯莫羈懷亂胡笳復數聲

無題

新安少有名解語花者

二八新安女娉娟態轉溫極憐花似笑那及爾能言楚賦微辭在秦詞妙曲存峽雲容易散疇記舊時恩

公子行

何來客遠鑣大道傍似從平樂館却向少年場
素骹千金節紅顏百寶粧翩翩俱意氣今代自原嘗

贈別呂評事希天

聖和與李侍讀端夏前後俱以天官郎得之

北塞移天曹由來佐幕豪曾知太公法況有使君刀
叱馭雖常分看雲亦自勞那堪迭行處風雪擁征袍

挽崔古阜

挺海

憶昨相逢日將軍氣未衰生平膝上劍歲晏鬢邊絲
一別便長隔重泉祗足悲還憐此父子新折桂花枝

春日山居

寂寂終南下閑閑靜者居青春回洞壑白日照圖書
各鳥聽逾緩山花看漸舒忘機吾自熟何必戀軒車
春夜聽雨志喜示允明

寂寂人初定悠悠我欲眠高齋聞漏後春雨落燈前
正念花辭樹仍忻水滿田端居憂世志惟是祝周年

碧桃

白玉桃花色英英一樹芬淡粧嬌靨國綈服寡文君
瑞雪留春冷清香襲月薰還憐粉蝶影逐藥共紛紛

紅桃

灼灼紅桃樹夭夭小苑春真逢傾國色錯疑映門人

態迎霞豔晨粧帶雨新最憐皮子賦一諷更稱神

次權汝明

頓

韻

汝明家饒圖籍余方借其古
今全史看之三四及之

玉署非吾分衡門不厭深每尋前代迹時見古人心
嫩萼迷紅障幽泉咽素琴探春明日約騎馬向東林

疊前韻答贈紀明

一言君未戒群謗亦何深縱使能銷骨懸知不負心
冤氛埋獄劍孤調在山琴耿介無人識寧終愧士林

挽李陽川

哲英

室內

白軒相公之冢婦陽川公
之繼室新婚未幾陽川病

逆纔過墓祥
室內又逝

相國西河痛彌年淚不埽却驚新婦沒又向故山歸

落月窺塵鏡，淒風動素幃。最憐稚女在，猶託嫁時衣。
又疊心字韻志感

用世元非計，逃塵愧未深。風霜餘短髮，江海起遐心。
有酒聊開酌，無絃只弄琴。千秋禽尚志，吾道足山林。
積雨乍霽炎熱轉酷時求解官未遂書以志懷

新得李時珍本草一帙
近所閱者只此書耳

雨霽炎猶酷，官存病欲加。生涯惟本草，名利卽空花。
臥聽溪喧石，時看岫出霞。仍聞九街水，浩蕩沒行車。
以不詣槐院褒貶居下考

每願官休罷，粗能辨實賓。何須六百石，自愛五千言。

蠻觸浮生事閑忙半世身今朝聞好報高枕酌風軒

挽李子輝

光稷官終持平年士三十三無方修內翰時時政記二畢而

芹舍封章日薇垣獻諫時多石常忼慨死我每低垂

叔世淪丁恨明庭失士悲龍門不盡業執手更傳誰

挽鄭高陽

昌微鄭州維城之子寅平都尉之父都尉天卒未二年而高陽繼亡

昔子西河慟言之淚滿腮如何使吾想今復有斯哀

老樹風凋葉空庭雨長苔還憐留葬地澆得邑人杯

挽鄭知樞

孝後代作

五子登科甲嗟公百祿宜西京萬石貴南極一星輝

乘化知無憾修生固有涯誰將秦失淚却向老聃揮

奉和止庵李丈寄示韻

亭從吾祖闢地卽尚公遊不識何年代猶稱某水丘
舊園三畝在遺訓一經留每誦河汾語行將老菟裘

元韻

李止庵

進名

鬱鬱終南麓吾童子所遊白鬚臨澗壑青眼記林
丘誰道成安後還教宅相留茅齋仍望月事業在

箕裘

尚成安公於言於尹五六代祖也豈意百餘
年後舊址屬之子平先王大監闡相業於其

址此甚奇矣仍
書短律以勉之

大殿春帖子

麗景添長線條風解薄寒時當元節屆日報聖躬安

綠樹嗤唐制青旂陋漢官唯將歐帖語共獻九重看

送李次山和赴海西幕

萬里鵬圖壯青雲逸翮輕今朝出西海六月息南溟
孤竹高風遠芙蓉秋水清此鄉多物色知爾長詩情

送南叅判龍翼以陳奏使燕丙午秋

今夏查使之至廟堂一空屬及君少庚寅之事猶未至此時右相許積與南公以陳奏踵北使入燕而東曾使日本者也

主辱今如此賢勞所不言曾裝通越橐便詣指燕轅
落日中原香驚風大漠昏行行傍柴市倘可醉忠魂
贈別趙騎省勉卿以冬至書狀入燕

余亦將有接修之役於萊州
聊以短律略叙參商之懷

至日欲風雪都人愴別筵
吾行炎瘴地君指犬羊天
浩渺扶桑外崢嶸碣石邊
歸來重聚首倘及杏花前

挽李正字明錫

吾榜三才子人稱妙歲英
學仙曾化鶴有客亦騎鯨
城郭歸千載滄溟俯一泓
那堪哭弟淚因汝更縱橫

吾榜四十八人與下君鳴叔為最少年表兄弟
中瑞明亦居二十餘三人皆富於才藻為一

世艷稱未瑞明先為游鳴叔繼逝君今
又以毀於孝不起古語云秀而不實者有矣

大悲夫
悲夫

寅賓軒睡起
其有東萊館名

三月寅賓館寥寥度歲華國今通日本吾亦到天涯
海暗鯨豚浪春晴蜃吐霞惟憑枕上夢一夜一還家

大風

南極春恒燠今年氣不齊海隨風並立雲與日俱低
浪作魚龍喜驚聞禽鳥啼最憐梅節晚零落小墻西

寄南海申掌令元瑞

命主言事被說

昨子投蠻邑今吾到海濱官程憐四日別意隔三春
水濶愁蛟鰐天低忙瘴雲千金須自愛早晚有恩綸
愁坐孤館偶然攬鏡鬢毛有一莖白者有感咏

懷余今年一十四

顛髮三分白鬚毛一縷明少年茲面貌何日更功名
蠻雨春沉市鯨濤夜拍城通夷吾計拙孤絕百憂生
前篇有何日更功名之語蓋本老杜勲業頻看
鏡之遺意然此特戲耳聊疊前韻以道余初志
絕域愁誰語行藏我自明已嫌頗識字何用更求名
急雨通夷館飛雲隔漢城只應公事了歸學華山生
三月二十七日夜地大震屋宇盡搖

異俗嗟難遣殊方事事驚夷情紛喜怒天氣忽陰晴
颺起時飛石嵐生晝濕楹如何坤軸動隱隱復東傾

玄風倅權君季常

是經

余同年友致書相問口

惠竹瀝蕙苡五升詩以謝之

白雪五升藥玄風一紙書音曾珠作謗今賴漳還除
霧零 而恒跼樓臺蜃或噓通蠻君莫問歸計總虛徐
題姜太初巾車

讀罷巾車錄孤燈黯不光歸應同化鶴節豈愧看羊
唾手島中檄剝肝海外章稼軒詔跋語今日重悲傷
家國

客况三旬久鄉愁萬緒嬰諸姑俱抱疾阿姪亦關情
未罷崆峒駕頻驚嶺海行庭闈千里祝日日報安寧
憶昨

憶昨辭朝日清光許覲堯不緣庭訓切那得廟謨調
噉出看疑近雲飛望轉遙君親三月隔一夜鬢毛凋
偶閱澤堂李公詩中得田園亦何好老大但當
歸之語極有激昂感慨之思一嘆而和之

羈旅二三月經營八九非春從前日去吾得幾時歸
國計成仍改鄉書到亦稀遙憐南麓下花柳自荆扉
次由元瑞謫中寄示韻

不涉東南裔虛生天地中此形河見少爲物海稱洪
遠謫曾非辜雄詞想轉工茲遊竒絕語千載憶坡翁

聞金叅判伯玉

始振計

敏識天人貫通才外內宜長楸驥欲展明月劍相疑
縱左那能用云亡祗可悲篋中前日札三復淚雙垂

寄中翰林

最

遂致別語厚意何可忘昨聞簪筆供奉

至行都謹綴俚拙以寓瞻戀之懷仍乞轉示

銀臺文叔代言玉堂兩李學士

藹藹靈泉會滄滄總玉河火龍蒸瑞液池鳳浴恩波
密勿君臣契揄揚父老歌獨憐銅柱客流落鬢毛皤
更次申元珩韻

生晚東坡後子來南海中導疏萬里遠吞紆百川洪

金焦遊記卷三
天水本來大雨雲時自工茲行或非謫人亦謂仙翁
再贈張道人

今夏余奉使留滯蓬萊而道人適自寧海
來會年已踰六十鬚鬢皤然而氣貌古雅真
有道者也口於譚說之暇輒論南都形勝慨
若置身於鍾山石頭之間而及其語乎喪亂
流離之際則又不覺愴愴悵悵而其涕之欲
下也道人求詩甚懇賦五言近體四篇以
與之

張翁出中土家世本南都萬國三韓外千秋一劍孤

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some minor discoloration and faint vertical lines, possibly from the binding or scanning process. There is no text or other markings on the page.

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, characteristic of old paper. The left edge of the page shows the binding, with visible stitching and the inner cover material. There is no text or other markings on the page.

乍離纔昨日相憶且終朝不謂肩輿至無煩手簡邀
入樓青嶂滿攀塔綠蘿飄共子耽遊賞諸天未覺遙
簾差於筵席求詩書贈一律

問君千里外幾日發炎涯積水浮仙嶼春星伴使槎
辯飛孤劍動情洽百杯加楚晉交方睦寧教舊約差

直廬次李侍講季周

端夏韻

季周時以兼
文學直春坊

高秋建禮夜傑句右丞詩已覺胸懷豁都忘手閱疲
寒花幽賞足涼月朗吟宜今夕重相約清樽御水湄
再疊

禁苑三秋色宮曹幾首詩親知一相聚酬唱未云疲

欵欵清言在蕭蕭小雨宜曾看明夜月重到鳳池湄

三疊

偶淹西掖直頻續遣懷詩鬢覺蕭疎短腰憐曲折爽
高城涼雨過深樹暮禽宜幸乞松楸暇明朝上斗湄

四疊答李騎省文若

沃

忽忽我眠後不知君有詩出奇真愈捷奔命奈徒疲
屬韃中原壯交綏羽國宜鴻溝今日約吾欲保東湄

挽李副學幼能

端相

代家大人作

橋南前夏訪乖濶幾年強刻苦工夫得清羸疾病將
歡然道舊語念之至今傷家祭違牽紉題詞涕自滂

別李子三赴韓山郡

病憐玄晏久忠許更生孤直道官仍拙高懷氣轉蘇
春風馳五馬幾日返雙鳧黯慘承明別臨觴獨一吁

聞金夏卿

再錫

將赴安東任所走書以贐

知子宿願成嶺邑佩符行先謚迎綸計高堂舞采情
春風東洛水細雨古阇城獨笑薇垣客遲徊負諫名

挽權掌令汝綱

斗樞

少小交驩日無如舉業時腐毫吾得賦刻燭爾成詩
對手耽摹拙從心鬪語奇至今魂夢裏猶做昔年爲

又

昨解洪陽紱江湖滿目寬
讒言何太巧雅興不須刪
行里時爭席臨流且把竿
更憐當日約徵我記齋顏

又

告疾吾休沐君乘月到門
丁年兩華髮丙夜一清尊
激切傷時事矜高出世言
前春如隔宿唯有淚翻盆

又

十日看君病沉沉病日臻
長桑慚術淺腐草失劑珍
薄宦靳三級遐期減四旬
所悲床褥語邀我重諄諄

又

抱疾元由酒逢場或近顛
澆胸猶可銷肺三胡然

每覺交情重時憐俠氣偏單醪今送汝令我涕雙漣

又

雅弟摧芳歲沼翁閉九原賦聲猶誦雪樓扁只傳雲
差喜門闌慶行誇子姓繁誰知老岳母頭白哭吾君

又

昨從二連三別情到夕曛人間已失友淚下爲言君
居禮巷南畔兵海北濱癡頑愧獨在謗舌任紛紛

又

哀哀歛一木送送入孤墳生鬼當今夜招魂續古文
他時詩酒會此日死生分一慟西望地坡山慘暮雲

卷之三
挽李監司

星徵

昔歲登科甲，簸揚猥在前。幸從公兩世，俱謂我同年。
正當青雲晚，時憂素髮先。長悲蔽芾詠，留惠海西偏。
挽宗室瀛昌君大夫人

校洞王孫宅，林園接短牆。庭萱風自落，階草雨仍荒。
年歲來仁里，同朝識大郎。今宵聞薤曲，間并爲悲傷。
牛川途中記所見

春閨仍乾旦，秋霖又電霜。漸看寒葉赤，無復晚禾黃。
室罄村妻泣，場空野老傷。菊花何意緒，的歷滿崖香。
晚上斗尾

五馬行將遠孤鴻去自閑黃金兼漢璽早晚待鳬還

挽福寧君

析代叔父作

可惜王孫貴溫溫德有餘居家四字對留枕入公書
積雪迷蘭路淒風拂柳車衆賓咸失涕無復引應徐

又

周家惇本支漢代盛恩私馳炙常分膳龍駒每賜騎
華清隨蹕日長樂侍筵時玉折重宸哀綸感路岐

又

丈夫甚憐少賢愚亦各言稚兒公半子佳婦國諸孫
華屋纔叨席薤歌遽斷魂下懷姻好誼嗚咽倍聲吞

挽沈廣州之演大夫人

夫人著壹德壽祿亦無肩牲鼎平生養魚軒幾邑專
有兒還近耄無恙遂登仙彤管垂芳史誄詞不盡編

沈較理熙世遷葬挽前後夫人并同遷原州

澤老有長句為公嘗悼亡因聞銘簡肅還復屬歐陽
兩什文章古千秋事蹟詳二阡悲會合題挽愧詞荒

校理前夫人俞氏之喪澤堂李公植為長短
詩以悼之其詩格高調古校理之歿也屬其
墓銘于其壻和沼中
公文亦古雅可誦

牛川舟中口占呈寄內兄申君戴明

昨者兄先到今朝余亦還東西一帶水中表兩家山

策馬朝衝淖，挈舟暮上波。高江因雨大，涼月得秋多。
節物猶群態，詩情且獨哦。蒼崖兼落葉，歷歷眼中過。
直廬送朴季苴赴通津縣

退合耕三畝，仕猶求一麾。本來吾熟計，每事子先爲。
城闕秋風夕，江湖歸鴈時。冥冥望行色，且去汙良饑。

次李詩讀次山韻

蕭瑟高秋事，清霜落小池。窻前有老樹，夜半動涼颼。
靜念齊民苦，仍懷魯女悲。明時空忝竊，職密愧才疲。
再次

冷雨稍侵砌，餘波復漲池。乍晴雲送月，入夜樹鳴颼。

華省潘生興清閨謝子悲抽簪真得可隨處托吾疲

又疊前韻記感

重起平陽第仍開沁水池青雲滿綺榭朱夏引清颺
巢燕爭相賀調琴未足悲祇憐氓失所提挈泣孱疲

次李美叔韻挽同年李正字輝世返葬故山

名秀彥輝
世名光庭

楚南有羈鬼隴西無謫仙此生寧見日汝死實尤天
客舍招魂夜鄉山返櫬年千秋宋玉些安得巫陽傳

送李中丞文瑞奎齡出宰安東

論事清時易蘇疲儉歲艱君今出嶺海民亦得清山

春草深深洞桃花淺淺灣舟中詩以報乘夕旦開顏

舟中偶吟

雪馬元朝雪風帆寒食風迷茫乘錦浪恍忽坐瑤宮
此路何頻快吾行偶屢通只愁明日去塵軟洛陽紅
自平丘舟下新川由箭串橋入城用前韻

高浪放船去危橋鞚轡還纔分蠶室樹忽過馬塲山
短麥青抽畝垂楊綠接灣輕風將急雨點點醒吾顏
以試事謗議未已朔射不進得罷書懷

於藝吾何執無才足謗譏關弓絃不動取上策多違
眼轉迷朱墨心應失是非幸今官得罷慚愧返初衣

卷之三
挽姜金浦

惻愴公家事誰能不泫然偏親今百歲之子奄重泉
國擢廉能最人推孝友偏益悲坡牧語無復舊衾聯

挽金主簿

仁文金晉州子長之大人子
長曾擢重試名德遠

一第猶皆豔重登豈盡譽悅親無出此生子固當如
舊記曹疑馬仍聞邑佩魚占年纔易數題挽却歛歔

挽鄭領府事

太和癸丑

積慶肇萊邑貽謀自夏官一門生六相五世輔三韓
德業當時重文章後代看調元餘廿載福祿似公難

又

文翼真王佐司成亦這存因悲神武事尚憶大臣言
相國追前烈通家到後孫先朝與吾祖接武復台垣

又

赫赫經綸業澹澹相府宜同升公伯仲均佩國文危
大匠收鑪錘元功託鼎彝却驚湘澤畔孤鴈影差池

又

龍虎人堪傑韓公識北平有時床下拜少日里中生
諭祭文無愧辭官批幾成還悲掌制地十載變哀榮
仁宣王后挽詞 四寅

聖女宜京室思齊想典刑于飛從鳳邸偕駕涉龍庭

卷三
範外由中堂輝前自後星
寧陵十載烈彤管映千

齡

又

漢代尊長信朝廷正在東久聞坤則著爭祝母儀隆
舜養須天下堯仁卽女中今朝鏡奩慟何以慰宸衷

又

黃驪葬聖地攀泣憶前冬水齋纔移竈山因卽繼封
已朝珠阜雀仍駕洞庭龍不比皇英恠蒼梧蓋未從

又

代叔父製

曾沙微積慶德不稟貞姿震邸由侯邸坤儀轉母儀

施孫元帝社育物儘皇慈兩字仁宣美周公謚法立

又

五月先妃葬靈辰痛不留因山纔緬禮隔歲復真遊
九岫雲迎駕三湘在作舟千官揮淚地咽咽助江流

顯宗大王挽詞

甲寅

顯顯先王業於戲冠大東傳昌由亡季齊舜卽生馮
孝已承宗德仁能叶祖功巍然標烈地百代號

陵崇

又

達孝誠無間東朝致養隆初聞祔事曠仍覩緬儀崇

步武皇王際情文禮義中
嗣君能繼志昭儉霸陵

同

又

自有留皮問咸知祝網仁枕嘗勞乙丙災復軫庚辛
敷恤虞刑簡行寬漢詔頻
垂衣餘十載東土盡恩
淪

又

問響真仁術精裡亦孝思如承大祭日尚趁小民時
疾病還如許憂勞諒在茲千秋編簡著
微烈埒
祁

又

不以臣卑鄙常蒙主寵私橫經獨對地侍藥衆詢
時易墜成河淚難工摹日辭偏慙子車氏殉繆昔人
悲

狼川客館

乙卯

不謂吾多暇今朝訪峽還千年觀貊國百里到徃山
地僻煙霞窟時危虎豹關須君勤撫字惠澤及惇鰥
受暇展先墓行到平丘幾伯趙公公舉以前夜
過此宿奉安驛翌朝到奉安則幾伯又已向楊
根相望三十里之地終失一晤不任悵然之懷

為賦短律却寄庚申

聞道公行部東來擬躡塵偶然半日還復失由旬
較智嗟難及抒情慨莫因龍門瞻嶽嵴秋色切高旻

送金晦仲載文出宰和順縣

清絕湖南縣宜君尚蘄水幽篁青萬介瑞石翠千層

處順艱能濟行和薄可懲是知名邑義寧復關甘陵

挽趙校理根君少嘗受學於宋尤翁登第官至
玉堂乙卯後棄官居茂山辭連木

尚敏疏獄受刑配處州庚申夏得釋木數日病歿

之城知趙寶昭質世稱皆劫火焚來潔良工琢得佳
序房魯位置塊礫竟沉堙一掬荆山淚今朝不盡揩

雪馬 辛酉

三冬豆彌津十里一鋪陳偌大玻璃鏡無量白玉崖
泠然行雪馬颯爾送颿輪如北天遊快飄飄物外身

漢江祖席口占充贐語並示信使三大夫

王成伯

尹監司趾完副价李校理
彥綱從事朴生郎慶後

專對三人最吾王揀選明一時辭北極五月下南溟

怒鰐投文避驕蠻負韉迎懸知幹事日唯道濟君靈

江上贈別沈聖可 權 謫向通津

五月滄江水邀君乍濯塵幸今違畫地從此指通津
長路知無閤佳期定有囚新秋恩赦後一躍見淵鱗

挽李

尚泰妻

甲兄楊

叔公

又也

昔汝終南宅嘗從我問醫每憐持弱質仍復遭喪威
弄瓦寧非喜舍珠却是悲青春餘二十短世只堪唏

挽崔生

湯內

甲子

主過楊山路君家識二難萱闈憂正切藥篋愧曾殫
惻惻留遺挂戀戀見素冠莊生應達理愁得鼓盆寬
五言排律

挽趙監司

龜錫

少小稱公輔偉才氣裒然家聲存識度仕路幾騰騫
清夜歸蓮燭春風上彩輶同遊俱在後坦步自無前

棲棘情初遂留棠化獨偏
遐心營一壑末跡問高天
鵬且災庚日人胡夢已年
吟纔罷澤畔疾奈刺漳邊
七藥知難就高堂祗益憐
槐山還宿草楊壤又新阡
樹老鳴寒雨庭空冪暮烟
風流嗟已遠噐宇果誰傳
舊誼懷床拜新悲欲劍懸
淒風吹感淚沾麗薤歌篇

孝宗大王遷

陵挽詞

癸丑

古者姬文世猶移季歷藏
錫山還有隙修墓亦堪傷
地昔留真識人今葬聖王
龍驤杳舊歲象設變新圖
百行導名著千秋大義彰
宣皇代邸齋杜寢灞陵傍
詰辟元同道靈丘合並鄉
慎終虞慕切追緝魯儀

將寶帑秋臨水神戈曉剗霜夔魑奔瑟縮埃壙辟清
涼廡駕徵周史遺箱問漢郎二泉方再掩萬涕却同
滂復上希靈妥游原認澤長殯歌兼善頌邦慶自無
疆

又

代叔父製

於赫先王烈微臣敢指譽文曾代邸入晉亦狄人
居日月明同照江河快並疏耕桑安助徹關隘壯儲
胥已偃仁風動方瞻化晷舒燕臺正高築漢葉忽中
沮眇邈魏穹意悲涼志士歔荆湖迷逝水梧野莽寒
墟嶽勢二陵近天行五閏餘永期泉隧妥那音石縫

蹀躞鍊知無賴漈移遂莫徐輿情開怫慨
宸筭失
躋蹕吉宅新岡在佳祥舊識儲園仍
皇祖並德覺
聖孫如舜慕桀追遠姬儀蓋帥初所悲開白日還復
指玄閭嶽祗紛呵護方神肅屏除飄飄度鳳翼迢遞
引鸞車箱出中郎啓竈討太史音
洪恩曾逮下大
造實偏余薜蟻誠徒切持龍計復虛殞歌仍慟哭清
血自盈裾

息庵先生遺稿卷之三



